

Prorector Et Senatus Academiae Ienensis L. S. P. : Legem habemus,
& illam quidem ab Illustrissimis Principibus & Ducibus Saxoniae &c.
qui huius Academiae Conditores fuere, statim a primis eius incunabulis
latam ... ; P.P. die 10. Iun. A. O. R. 1618.


[Jena]

Phil 2° 00268/02 (220)

https://dhb.thulb.uni-jena.de/receive/ufb_cbu_00013019

urn:nbn:de:urmel-95f3099d-f775-4fc8-97a4-1acaf4db98fe0-00012246-18

Lizenz: <http://rightsstatements.org/vocab/InC/1.0/>





urn:nbn:de:urmel-95f3099d-f775-4fc8-97a4-1acaf4db98fe0-00012246-18

PRORECTOR ET SENATUS ACADEMIÆ JENENSIS

L. S. P.

Egem habemus, & illam quidem ab Illustrissimis

Principibus & Ducibus Saxoniae &c. qui hujus Academiae Conditores fuere, statim à primis ejus in eunabulis latam; ut omnes qui in numero studiose juventutis futuri ad nos appulissent, aut intra triduum sua apud Magistratum Scholasticum profiterentur nomina, & jus nostrae civitatis peterent, aut aliò facessere juberentur. Huic legi, dubium non est, quin obedientiam omnes debeamus, non tantum propter eorum, illam qui tulerunt voluntatem honestissimam, & auctoritatem summam, sed etiam propter rationes, quibus nititur maximè probabiles: id quod multis si foret opus, facile demonstrari poterat. Ut enim bonum pastorem & numerum, & conditionem gregis sui nosse oportet; ita magistratui hoc diligentiae & vigilantiae vel maximè incumbit; subditos habere cognitos, & quae Reipublicae vires sint, quae copiae ad unguem tenere. Nec quidquam Studiosis bonarum artium & partium magis est decorum: quam si adfiscantur in societatem & Virorum & Juvenum lectissimorum, & in hunc quasi equum Troianum, qui jam intra annos sexaginta tot Principes quoque viros, & Illustri loco natos recepit, includantur. Nihil iisdem honestius & gloriosius: quam in lucem prodire, & vitam ac mores suos omnibus aestimandos objicere, simulque religione Jurisjurandi, quod nihil aliud est, nisi DEI Invocatio, seipsos ad obedientiam astringere, & hanc non servilem sed liberalissimam sibi necessitatem imponere. Nihil salutaris, quam sub certi, & paterni quidem Magistratus praesidio, quasi in morem Teucris sub Ajacis clypeo, latere, vitamque tutò posse agere, injurias declinare, vim repellere, aut si nobis illata sit, modis & mediis licitis vindicare. Contra verò nihil iis, qui olim Ecclesiae & Reipublicae lumina & columnae futuri sunt, ignominiosius cogitari potest, quam in tenebris instar corvorum nocturnorum volitare, quod qui faciunt, plerumque aliquid monstri alunt, & impunitatis spe nihil non flagitii meditantur. Nihil periculosius, quam Magistratus tutelam destitui, & si vim patiamur, omni defensione nostrà culpa orbari: quod iis usu venire necessum est, qui se legibus, & legum custodiis submittere recusant. Quin & hoc certum est, nullam unquam fuisse Rempublicam meliusculè saltem constitutam, quae civium suorum nomina publicas in tabulas non retulerit, eosque jurisjurandi quasi vinculo non obstrinxerit. Et nihilominus tamen nobiscum in cœtu scholastico plurimi, quod certò scimus, versantur, & nostris uti fruique volunt privilegiis, qui tamen sua Magistratui nondum exhibuere nomina, nondum obedientiam jurarunt, nondum cives Academiae nostrae facti sunt. Horum plerosque cum infanti potius, quam malitià transversum agi putamus: eos omnes etiam atque etiam admonitos volumus, ut intra tempus, quod nostrae nobis leges praescribunt, aut in album Scholasticorum se referri curent, aut alia sibi diverticula, primo quoque tempore, quaerant. Illos verò nostrae Academiae cives, qui suis vel in aedibus hoc genus Studioforum habitare patiuntur, vel in mensis alunt, & monemus & rogamus: hos suos ut in quilibet & convictores hanc ad praestandam obedientiam serio hortentur, aut secum diutius non ferant, de publicà salute potius, quam de utilitate privatà, quae tamen plerumque nulla, solliciti. Non in Subditorum multitudine, sed in obsequio, probitate, & virtute cardinem salutis publicae verti, sciunt omnes, qui politica Theoremata primoribus saltem labris degustarunt. P. P. die 10. Jun. A. O. R. 1618.

Typis Johannis VVeidneri.

urn:nbn:de:urmel-95f3099d-f775-4fc8-97a4-1acaf4db98fe0-00012246-27